

নির্বাচন কমিশন
বগুড়া পল্লী বিদ্যুৎ সমিতি-১
হিলিমপুর, বগুড়া।

বগুড়া পল্লী বিদ্যুৎ সমিতি-১ এর এলাকা নং- ০৩ এবং ০৬ এর এলাকা পরিচালক নির্বাচন সম্পর্কে গ্রাহক সদস্যদের জন্য

জ্ঞাতব্য বিজ্ঞপ্তি

০১। এলাকা পরিচালক পদে নির্বাচন সূচীঃ

বগুড়া পল্লী বিদ্যুৎ সমিতি-১ এর বাই 'ল অনুযায়ী ০৩ এবং ০৬ নম্বর এলাকার এলাকা পরিচালক পদে নির্বাচনের ভোট গ্রহণ নিম্ন বর্ণিত সময় সূচী অনুযায়ী অনুষ্ঠিত হইবেঃ

এলাকা নম্বর	আওতাভুক্ত ইউনিয়ন	উপজেলা	পরিচালকের মেয়াদকাল	ভোট কেন্দ্র	ভোট গ্রহণের তারিখ ও বার	ভোট গ্রহণের সময়
০৩	বগুড়া সদর উপজেলার মোট ০৬টি ইউনিয়ন। (গোকুল, লাহিড়ীপাড়া, নুনগোলা, শাখারিয়া, শেখেরকোলা ও নামুজা।)	বগুড়া সদর (আংশিক)	০৩ (তিন) বৎসর অথবা নির্বাচনী ফলাফল ঘোষণার পরবর্তী তৃতীয় বার্ষিক সদস্য সভা যা আগে ঘটিবে।	পল্লী মঞ্জল বাবুইপাড়া ইউনাইটেড উচ্চ বিদ্যালয়, পল্লী মঞ্জলহাট, বগুড়া সদর, বগুড়া।	১১/০২/২০২৪ খ্রিস্টাব্দ রবিবার	সকাল ০৯:০০ ঘটিকা হইতে বিকাল ০৪:০০ ঘটিকা পর্যন্ত
০৬	আদমদিঘী উপজেলার মোট ০৬টি ইউনিয়ন। (আদমদিঘী, চাপাপুর, ছাতিয়ানগ্রাম, কুন্দগ্রাম, নশরতপুর ও সান্তাহার।)	আদমদিঘী	০৩ (তিন) বৎসর অথবা নির্বাচনী ফলাফল ঘোষণার পরবর্তী তৃতীয় বার্ষিক সদস্য সভা যা আগে ঘটিবে।	শিশু নিকেতন, আদমদিঘী, বগুড়া।	১৩/০২/২০২৪ খ্রিস্টাব্দ মঙ্গলবার	সকাল ০৯:০০ ঘটিকা হইতে বিকাল ০৪:০০ ঘটিকা পর্যন্ত

বাংলাদেশ পল্লী বিদ্যুতায়ন বোর্ডের বাই 'ল ১৯৭৮ এবং সমিতির বাই 'ল (সংশোধিত ২০১৮) আর্টিক্যাল ০৮ এর ০২ ও ০৩ ধারা অনুযায়ী সমিতির উপরোল্লিখিত এলাকার বৈধ গ্রাহক সদস্যগণের প্রত্যক্ষ ভোটে তাঁহাদের মধ্য হইতে এলাকাভিত্তিক পৃথক-পৃথক নির্বাচনের মাধ্যমে এলাকা পরিচালক নির্বাচিত হইবেন।

০২। কে পরিচালক পদে প্রার্থী হইতে পারিবেন :

- যে এলাকায় নির্বাচন অনুষ্ঠিত হইবে, সেই এলাকায় স্থায়ীভাবে বসবাসকারী;
- যে গ্রাহক-সদস্যের নাম নির্বাচন উপলক্ষে প্রকাশিত ভোটার তালিকায় অন্তর্ভুক্ত হইয়াছে;
- যিনি সমিতির সংশ্লিষ্ট এলাকার গ্রাহক সদস্য হিসাবে সমিতি হইতে সদস্য সার্টিফিকেট প্রাপ্ত হইয়াছেন, নিয়মিত বিদ্যুৎ বিল পরিশোধ করিয়াছেন, পিডিবি/ডেসা এর নিকট হইতে অধিগ্রহণকৃত গ্রাহক- সদস্যগণ তাঁহাদের সকল প্রকার বকেয়া (পবিস/পিডিবি/ডেসা) পরিশোধ করিয়াছেন (এমনকি অনুমোদিত কিস্তি থাকিলেও সকল অনুমোদিত কিস্তি একবারে পরিশোধ করিয়াছেন এবং যাহারা বার্ষিক সদস্য সভার ৯০ দিন পূর্বে অর্থাৎ ৩০/১১/২০২৩ খ্রিস্টাব্দ অথবা তৎপূর্বে সমুদয় বিদ্যুৎ বিল পরিশোধ করিয়াছেন) এবং যাহার বিধি সম্মত কারণে সদস্য পদ বাতিল করা হয় নাই। উল্লেখ্য যে, একক মালিকানাধীন প্রতিষ্ঠান ব্যতিত অন্য কোন প্রতিষ্ঠানের মনোনীত প্রতিনিধি পরিচালক পদপ্রার্থী হইতে পারিবেন না;
- যাহার শিক্ষাগত যোগ্যতা কমপক্ষে এস এস সি বা সমমানের। সমমান সম্পর্কে কোন প্রশ্ন দেখা দিলে বিষয়টির উপর নির্বাচন কমিশনের সিদ্ধান্তই চূড়ান্ত বলিয়া গণ্য হইবে;
- মনোনয়নের জন্য আবেদন পত্র জমা প্রদানের তারিখে যাহার বয়স ২৫ (পঁচিশ) হইতে ৬৫ (ষাষট্টি) বৎসরের মধ্যে। বয়সের প্রমাণ পত্র হিসাবে মনোনয়ন আবেদন পত্রের সহিত এস এস সি অথবা সমমানের পরীক্ষা পাসের মূল সার্টিফিকেট এর সত্যায়িত ফটোকপি জমা প্রদান করিতে হইবে। প্রশংসা পত্র অথবা অন্য কোন প্রমাণ পত্র গ্রহণযোগ্য বলিয়া বিবেচিত হইবে না। বয়সের ব্যাপারে কোন এফিডেভিট গ্রহণযোগ্য নহে;
- বার্ষিক সদস্য সভার ৯০ (নব্বই) দিন পূর্ব পর্যন্ত সংযোগ গ্রহণকারী গ্রাহক-সদস্যগণ।

০৩। যে এলাকায় নির্বাচন অনুষ্ঠিত হইবে সেই এলাকায় বর্তমান পরিচালক পুনরায় প্রার্থী হইতে পারিবেন কি?

সমিতির বাই 'ল (সংশোধিত-২০১৮) মোতাবেক পরিচালক প্রার্থীর সকল যোগ্যতা থাকিলে পরিচালকের মেয়াদকাল শেষ হইতেছে এমন পরিচালক পুনরায় পরিচালক পদে নির্বাচনের প্রার্থী হইতে পারিবেন।

Quaid

শে

পৃষ্ঠা ০৪ এর ০১

০৪। যে সকল কারণে পরিচালক পদপ্রার্থী অযোগ্য হিসাবে বিবেচিত হইবেনঃ

- (ক) যিনি বাংলাদেশ পল্লী বিদ্যুতায়ন বোর্ড/সমিতি বোর্ড কর্তৃক সমিতির পরিচালক পদ হইতে অপসারিত (Removed) বা অব্যাহতি প্রাপ্ত (Relieved) হইয়াছেন;
- (খ) যিনি নৈতিক অবক্ষয়জনিত কারণে আদালত কর্তৃক দন্ডপ্রাপ্ত হইয়াছেন;
- (গ) যিনি বাংলাদেশ পল্লী বিদ্যুতায়ন বোর্ড, পল্লী বিদ্যুৎ সমিতি বা কোন সরকারী, আধা-সরকারী, স্বায়ত্বশাসিত প্রতিষ্ঠানের চাকুরী হইতে বরখাস্ত বা অপসারিত বা অব্যাহতি প্রাপ্ত হইয়াছেন;
- (ঘ) যিনি একই নামে একাধিক সংযোগ গ্রহণ করিয়া সকল সংযোগের বিপরীতে এমনকি পিডিবি/ডেসার (অধিগ্রহণকৃত গ্রাহক-সদস্যদের ক্ষেত্রে) পরিশোধযোগ্য সকল বিল পরিশোধ করেন নাই;
- (ঙ) যিনি কোন রাজনৈতিক দল/সংস্থায় কোন পদে (Office Bearer) নিয়োজিত আছেন;
- (চ) যিনি কোন স্থানীয় সরকারী সংস্থায় বেতন/ভাতাদি প্রাপ্ত পদে নিয়োজিত আছেন;
- (ছ) যিনি কোন সরকারী বা আধা-সরকারী মালিকানাধীন প্রতিষ্ঠানে চাকুরীরত আছেন;
- (জ) যিনি বগুড়া পল্লী বিদ্যুৎ সমিতি-১ অথবা বাংলাদেশ পল্লী বিদ্যুতায়ন বোর্ডের সাথে বিদ্যুৎ বা বৈদ্যুতিক সরঞ্জামাদি ব্যবসায় নিয়োজিত বা যে কোন প্রকারে আর্থিকভাবে সম্পৃক্ত কিংবা সমিতির সহিত গ্রাহকদের বৈদ্যুতিক বা প্লাস্টিং যন্ত্রপাতির ব্যবসায় নিয়োজিত আছেন বা পবিসের লাইসেন্স/ ওয়ার্ক পারমিট-এর আওতায় সমিতির গ্রাহক/গ্রাহক-সদস্যদের হাউজ ওয়্যারিং কাজে নিয়োজিত ছিলেন/আছেন;
- (ঝ) যিনি পবিস বাই 'ল এর আর্টিকেল-৫ এর সেকশন ৭ এর উপ-ধারা a(i), a(ii), a(iii) এবং a(v) অনুযায়ী (উদ্দেশ্য প্রণোদিত/ অসং উদ্দেশ্যে পবিস এর সম্পত্তি বা সাজ-সরঞ্জাম টেম্পারিং করিবার, দাপ্তরিক কাজে পবিস এর কর্মকর্তা /কর্মচারী বা তাহার উপর নির্ভরশীল বা সম্পৃক্ত কোন ব্যক্তিকে ভয় প্রদর্শন করিবার, শারীরিকভাবে লাঞ্চিত করিবার কারণে) সদস্যপদ বাতিল যোগ্য ধারায় আওতাভুক্ত কিন্তু পরবর্তীতে উক্ত কারণ নিরসন পূর্বক সমিতি বোর্ড কর্তৃক সদস্যপদ পুনঃবহাল না করা হইলে।
- (ঞ) যিনি ইতোপূর্বে ০৩ (তিন) বা ততোধিকবার এলাকা পরিচালক পদে মনোনীত কিংবা নির্বাচিত হইয়াছেন।

০৫। নির্বাচনের জন্য মনোনয়ন পত্রের ফর্ম সংগ্রহ ও বিতরণ পদ্ধতিঃ

এলাকা পরিচালক পদের নির্বাচনে অংশগ্রহণে ইচ্ছুক প্রার্থী “মনোনয়ন ফর্ম” এর মূল্য বাবদ বগুড়া পল্লী বিদ্যুৎ সমিতি-১ এর সদর দপ্তরস্থ ক্যাশ কাউন্টারে ৫০০.০০ (পাঁচ শত) টাকা (অফেরৎযোগ্য) জমা প্রদান পূর্বক প্রাপ্ত মূল রশিদ এবং প্রার্থীর এস এস সি অথবা সমমানের পরীক্ষা পাশের মূল সনদপত্র প্রদর্শন সাপেক্ষে বগুড়া পল্লী বিদ্যুৎ সমিতি-১ এর সদর দপ্তরে অবস্থানরত নির্বাচন কমিশন সদস্যের নিকট হইতে ০৯/০১/২০২৪খ্রিস্টাব্দ তারিখ রোজ মঙ্গলবার সকাল ০৯:০০ ঘটিকা হইতে বিকাল ০৪:০০ ঘটিকা পর্যন্ত মনোনয়ন পত্রের ফর্ম ০১ (এক) সেটসহ নিজ এলাকার ভোটার তালিকা (যে তালিকায় ৯০ দিন পূর্বে গ্রাহকগণ বিল পরিশোধ করিয়া অথবা সংযোগ গ্রহণ করিয়া ভোটার হইয়াছেন; সেই তালিকার সিডি ডাইভ/হার্ডকপি) ও নির্বাচন সংক্রান্ত জ্ঞাতব্য বিজ্ঞপ্তি সংগ্রহ করিতে পারিবেন।

০৬। মনোনয়ন পত্র দাখিলের তারিখ ও সময়ঃ

বগুড়া পল্লী বিদ্যুৎ সমিতি-১ এর সদর দপ্তরে নির্বাচন কমিশন প্রধান অথবা তাহার মনোনীত প্রতিনিধির নিকট ১১/০১/২০২৪খ্রিস্টাব্দ তারিখ রোজ বৃহস্পতিবার সকাল ০৯:০০ ঘটিকা হইতে বিকাল ০৪:০০ ঘটিকা পর্যন্ত মনোনয়নপত্র দাখিল করা যাইবে।

০৭। কিভাবে পরিচালক পদ প্রার্থীগণ মনোনয়নপত্র দাখিল করিবেনঃ

পরিচালক পদে নির্বাচনের প্রার্থী হিসাবে অংশগ্রহণের জন্য যে সকল এলাকার পরিচালক পদে নির্বাচন অনুষ্ঠিত হইবে সেই সকল এলাকার স্থায়ীভাবে বসবাসকারী (স্থায়ীভাবে বসবাসের ক্ষেত্রে সংশ্লিষ্ট ইউনিয়ন পরিষদের চেয়ারম্যান/পৌরসভার চেয়ারম্যান কর্তৃক প্রদত্ত জাতীয়তা সনদপত্র দ্বারা সমর্থিত) বৈধ গ্রাহক-সদস্য বাংলাদেশ পল্লী বিদ্যুতায়ন বোর্ডের বাই 'ল (সর্বশেষ সংশোধিত) এর ০৮ নং অনুচ্ছেদ এবং সমিতির বাই 'ল এর আর্টিক্যাল-০৮ অনুযায়ী সমিতির নির্ধারিত মনোনয়নের আবেদনপত্র পূরণ এবং উহার প্রতি পাতায় দস্তখত করতঃ ০১ (এক) জন বৈধ গ্রাহক-সদস্য (ভোটার তালিকাভুক্ত) কর্তৃক প্রস্তাব এবং অপর ০২ (দুই) জন বৈধ গ্রাহক-সদস্য (ভোটার তালিকাভুক্ত) কর্তৃক সমর্থন সূচক স্বাক্ষর গ্রহণ পূর্বক নির্বাচন কমিশন প্রধান অথবা তাহার মনোনীত প্রতিনিধির নিকট মনোনয়ন পত্র দাখিলের জন্য ঘোষিত তারিখ ও সময়ের মধ্যে মনোনয়ন পত্র দাখিল করিতে পারিবেন। উল্লেখ্য, মনোনয়ন পত্র দাখিল করিবার সময় প্রার্থী, প্রস্তাবক ও সমর্থকদ্বয়কে ব্যক্তিগতভাবে উপস্থিত থাকিতে হইবে এবং প্রস্তাবক ও সমর্থকদ্বয়কে এই মর্মে অঙ্গীকারনামা প্রদান করিতে হইবে যে, তাহারা অন্য কোন এলাকা পরিচালক পদপ্রার্থীর জন্য প্রস্তাবক এবং সমর্থন করেন নাই। আরো উল্লেখ্য যে, প্রার্থী, প্রস্তাবক ও সমর্থকদ্বয়কে মনোনয়ন আবেদন পত্রের সহিত এই মর্মে অঙ্গীকার নামা প্রদান করিতে হইবে যে, তাহার/তাহাদের নিজ নামে একাধিক সংযোগ থাকিলে সকল সংযোগের বিপরীতে সকল বিদ্যুৎ বিল পরিশোধ করা হইয়াছে। ভোটার তালিকায় নাম থাকলেও কোন পরিচালক পদ প্রার্থী তার নিজের এবং তার প্রস্তাবক ও সমর্থকদের নামে গৃহীত বা বিদ্যমান সকল সংযোগের বিপরীতে বার্ষিক সদস্য সভার পূর্ববর্তী ৯০ (নব্বই) দিন পূর্বের সকল বিদ্যুৎ বিল পরিশোধের প্রত্যয়ন না থাকিলে বা মনোনয়ন আবেদন পত্র বাছাইকালে এরূপ বিল পরিশোধ করার তথ্য/ প্রমাণ না থাকিলে প্রার্থীর মনোনয়ন আবেদন পত্র বাতিল বলিয়া গণ্য হইবে।





- ০৮। **মনোনয়নপত্র বাছাই ও বৈধ প্রার্থীদের প্রাথমিক তালিকা প্রকাশঃ**
১৬/০১/২০২৪খ্রিস্টাব্দ তারিখ রোজ মঙ্গলবার বিকাল ০৪:০০ ঘটিকায় বৈধ প্রার্থীদের প্রাথমিক তালিকা সমিতির সদর দপ্তরে প্রকাশ করা হইবে।
- ০৯। **মনোনয়নপত্র প্রত্যাহারের শেষ তারিখ ও সময়ঃ**
১৭/০১/২০২৪খ্রিস্টাব্দ তারিখ রোজ বুধবার সকাল ০৯:০০ ঘটিকা হতে বিকাল ০৪:০০ ঘটিকা পর্যন্ত এবং ১৮/০১/২০২৪খ্রিস্টাব্দ তারিখ রোজ বৃহস্পতিবার সকাল ০৯:০০ ঘটিকা হতে দুপুর ১২:০০ ঘটিকা পর্যন্ত সময়ের মধ্যে মনোনয়নপত্র প্রত্যাহার করা যাইবে।
- ১০। **মনোনয়ন এর আবেদন চূড়ান্তকরণ, চূড়ান্ত প্রার্থী তালিকা প্রকাশ ও প্রতীক বন্টনঃ**
১৮/০১/২০২৪খ্রিস্টাব্দ তারিখ রোজ বৃহস্পতিবার দুপুর ০২:০০ ঘটিকায় সমিতি সদর দপ্তরে নোটিশ বোর্ডে প্রতীকসহ চূড়ান্ত প্রার্থী তালিকা প্রকাশ করা হইবে।
- ১১। **যে সকল গ্রাহক-সদস্য ভোট দিতে পারিবেনঃ**
যে সকল গ্রাহক-সদস্যের নাম চূড়ান্ত ভোটার তালিকায় অন্তর্ভুক্ত হইয়াছেন তাহারা নিম্নোক্ত বিষয়াবলী প্রতিপালন পূর্বক ভোট দিতে পারিবেন:
- (ক) সমিতির বাই“ল আর্টিক্যাল ৫ এ বর্ণিত বৈধ গ্রাহক-সদস্য যিনি সমিতির সভাপতি ও সচিব কর্তৃক স্বাক্ষরিত সমিতির বাই“ল সিডিউল-১ ফরম ‘খ’ এর সদস্য সার্টিফিকেট প্রাপ্ত হইয়াছেন, তিনি নিজ এলাকায় পরিচালক নির্বাচনে ভোট দিতে পারিবেন। তবে বিধি সম্মত কারণে কোন গ্রাহক-সদস্য এর সদস্য পদ বাতিল হইলে তাহার সার্টিফিকেট থাকিলেও তিনি ভোট দিতে পারিবেন না।
- (খ) বার্ষিক সদস্য সভার ৯০ (নব্বই) দিন পূর্বে অর্থাৎ ৩০/১১/২০২৩খ্রিস্টাব্দ তারিখ পর্যন্ত যে সকল গ্রাহক সদস্য তৎসময়ে পরিশোধযোগ্য সকল বিদ্যুৎ বিল (যে সকল বিল জরিমানাসহ পরিশোধের সময়-সীমা উত্তীর্ণ হইয়াছে) পরিশোধ করিবেন (৯০ দিন হিসেবে বিল পরিশোধের সর্বশেষ তারিখ সাপ্তাহিক ছুটি বা অন্য কোন সরকারী ছুটির কারণে উক্ত বিল পরবর্তী কার্যদিবসে পরিশোধকারীগণেরও নাম ভোটার তালিকায় অন্তর্ভুক্ত করা হইবে)। উল্লিখিত ৯০(নব্বই) দিন পূর্বে যাহারা খেলাপী গ্রাহক চিহ্নিত হইবেন তাহারা বার্ষিক সদস্য সভার ৪৫ (পঁয়তাল্লিশ) দিন পূর্বে অর্থাৎ ১৪/০১/২০২৪খ্রিস্টাব্দ তারিখের মধ্যে সমুদয় বকেয়া বিল (যে সকল বিল জরিমানা সহ পরিশোধের সময়-সীমা উত্তীর্ণ হইয়াছে) পরিশোধ করিলে তাহারাও ভোট দিতে পারিবেন। কিন্তু নির্বাচনে প্রতিদ্বন্দিতা করিতে পারিবেন না।
- (গ) বার্ষিক সদস্য সভার ৯০ (নব্বই) দিন পর্যন্ত সংযোগ গ্রহণকারী গ্রাহক-সদস্যগণ ভোট দিতে পারিবেন।
- ১২। **ভোটার তালিকা প্রকাশ ও সংশোধনঃ**
- (ক) **বার্ষিক সদস্য সভার ৯০ (নব্বই) দিন পূর্বে বিল পরিশোধকারী/ সংযোগকারী গ্রাহকগণের ভোটার তালিকাঃ**
২৬/১২/২০২৩খ্রিস্টাব্দ তারিখ রোজ মঙ্গলবার বিকাল ০৪:০০ ঘটিকায় সমিতির সদর দপ্তরসহ যে সমস্ত এলাকায় নির্বাচন হইবে সেই সব এলাকার সংশ্লিষ্ট জোনাল অফিস, এরিয়া অফিস ও অভিযোগকেন্দ্র ছাড়াও গুরুত্বপূর্ণ সরকারী অফিসের নোটিশ বোর্ডের মাধ্যমে ০৩ ও ০৬ নম্বর এলাকা সমূহের প্রাথমিক ভোটার তালিকা প্রকাশ করা হইবে। ভোটার তালিকার ব্যাপারে কাহারও কোন আপত্তি থাকিলে বা বৈধ গ্রাহক ভোটার তালিকা হইতে বাদ পড়িলে অথবা অন্য কোন সংশোধনীর দরকার থাকিলে তাহা প্রয়োজনীয় তথ্য ও প্রমাণাদিসহ ৩১/১২/২০২৩খ্রিস্টাব্দ রোজ রবিবার বিকাল ০৪:০০ ঘটিকা পর্যন্ত সমিতির প্রধান কার্যালয়ে সমিতির জেনারেল ম্যানেজার এর নিকট লিখিত আবেদন করিতে হইবে। ০৩/০১/২০২৪খ্রিস্টাব্দ রোজ বুধবার চূড়ান্ত ভোটার তালিকা বর্ণিত নোটিশ বোর্ড সমূহে বিকাল ০৪:০০ ঘটিকার সময় প্রকাশ করা হইবে।
- (খ) **বার্ষিক সদস্য সভার ৪৫ (পঁয়তাল্লিশ) দিন পূর্বে পরিশোধকৃত খেলাপী গ্রাহকগণের ভোটার তালিকাঃ**
২৭/০১/২০২৪খ্রিস্টাব্দ তারিখ রোজ শনিবার বিকাল ০৪:০০ ঘটিকায় সমিতির সদর দপ্তরসহ যে সমস্ত এলাকায় নির্বাচন অনুষ্ঠিত হইবে সেই সব এলাকার সংশ্লিষ্ট জোনাল অফিস, এরিয়া অফিস ও অভিযোগ কেন্দ্র ছাড়াও গুরুত্বপূর্ণ সরকারী অফিসের নোটিশ বোর্ডের মাধ্যমে ০৩ ও ০৬ নম্বর এলাকা সমূহের বৈধ গ্রাহক-সদস্য যাহারা ৯০ (নব্বই) দিন পূর্বে বিল পরিশোধে ব্যর্থ হইয়াছেন কিন্তু বার্ষিক সদস্য সভার ৪৫ (পঁয়তাল্লিশ) দিন পূর্বে অর্থাৎ ১৪/০১/২০২৪খ্রিস্টাব্দ তারিখের মধ্যে পরিশোধ করিয়াছেন তাহাদের প্রাথমিক ভোটার তালিকা প্রকাশ করা হইবে। উক্ত ভোটার তালিকার ব্যাপারে কাহারও কোন আপত্তি থাকিলে বা বৈধ গ্রাহক ভোটার তালিকা হইতে বাদ পড়িলে অথবা অন্য কোন সংশোধনীর দরকার থাকিলে তাহা প্রয়োজনীয় তথ্য ও প্রমাণাদিসহ ৩০/০১/২০২৪খ্রিস্টাব্দ তারিখ রোজ মঙ্গলবার সকাল ০৯:০০ ঘটিকা হইতে বিকাল ০৪:০০ ঘটিকা পর্যন্ত সমিতির জেনারেল ম্যানেজার এর নিকট লিখিত আবেদন করিতে হইবে। ০৪/০২/২০২৪খ্রিস্টাব্দ তারিখ রোজ রবিবার বিকাল ০৪:০০ ঘটিকায় চূড়ান্ত তালিকা বর্ণিত নোটিশ বোর্ড সমূহে প্রকাশ করা হইবে এবং চূড়ান্তভাবে মনোনীত প্রার্থীগণের নিকট বিতরণ করা হইবে।

Abid

৯

১৩। গ্রাহক-সদস্যগণ কিভাবে ভোট প্রদান করিবেনঃ

যে সকল গ্রাহক সদস্যের নাম চূড়ান্ত ভোটার তালিকায় অন্তর্ভুক্ত হইয়াছে তিনি স্বয়ং নির্বাচন কেন্দ্রে উপস্থিত হইয়া অবশ্যই বগুড়া পল্লী বিদ্যুৎ সমিতি-১ কর্তৃক প্রদত্ত সদস্য সার্টিফিকেট অথবা জাতীয় পরিচয় পত্রসহ ডিসেম্বর'২০২৩ মাসের পরিশোধিত বিদ্যুৎ বিলের কপি প্রদর্শন করিয়া নিজ এলাকার কাউন্টার হইতে ব্যালট পত্র সংগ্রহ করতঃ নিজ পছন্দমত প্রার্থীর নামের প্রতীকের পাশে নির্ধারিত সীল প্রদান পূর্বক ব্যালটটি ভাজ করতঃ ব্যালট বাক্সে ফেলিয়া ভোটদান সম্পন্ন করিবেন। ভোটার তালিকায় নাম থাকিলেও বগুড়া পল্লী বিদ্যুৎ সমিতি-১ কর্তৃক প্রদত্ত সদস্য সার্টিফিকেট অথবা জাতীয় পরিচয় পত্রসহ ডিসেম্বর'২০২৩ মাসের পরিশোধিত বিদ্যুৎ বিলের কপি সংগে না আনিলে ভোট প্রদান করিতে পারিবেন না।

১৪। সদস্য সার্টিফিকেট হারাইয়া গেলে বা নষ্ট হইয়া গেলে নতুন সার্টিফিকেট ইস্যুকরণঃ

কোন গ্রাহক সদস্যের নামে পূর্বে ইস্যুকৃত সদস্য সার্টিফিকেট হারাইয়া গেলে বা নষ্ট হইয়া গেলে আগামী ১৩/০১/২০২৪ খ্রিস্টাব্দ তারিখের মধ্যে নির্ধারিত ফি, ২ (দুই) কপি ছবি ও অন্যান্য প্রয়োজনীয় কাগজ পত্রসহ পবিস এর সদর দপ্তরে জেনারেল ম্যানেজার বরাবর আবেদন পূর্বক নতুন সদস্য সার্টিফিকেট গ্রহণ করিতে পারিবেন।

১৫। একজন গ্রাহক-সদস্য কয়টি ভোট দিতে পারিবেনঃ

একজন গ্রাহক-সদস্য এক নামে একাধিক সংযোগ গ্রহণ করিলেও তিনি কোন এক নির্ধারিত সংযোগের বিপরীতে একটি মাত্র ভোট দিতে পারিবেন।

১৬। অন্যান্য সংস্থার প্রতিনিধি কিভাবে ভোট দিবেনঃ

পরিচালনা কমিটি দ্বারা পরিচালিত সংস্থা যেমন শিক্ষা প্রতিষ্ঠান, মসজিদ, মন্দির, আশ্রম বা অন্য কোন প্রতিষ্ঠান এর ব্যবস্থাপনা কর্তৃক মনোনীত প্রতিনিধি সংশ্লিষ্ট প্রতিষ্ঠানের পক্ষ হইতে লিখিত মনোনয়ন পত্র এবং বগুড়া পল্লী বিদ্যুৎ সমিতি-১ কর্তৃক সংশ্লিষ্ট প্রতিষ্ঠানের নামে ইস্যুকৃত সদস্য সার্টিফিকেট অথবা জাতীয় পরিচয় পত্রসহ ডিসেম্বর'২০২৩ মাসের পরিশোধিত বিদ্যুৎ বিলের কপি প্রদর্শন সাপেক্ষে ভোট দিতে পারিবেন।

১৭। নির্বাচন অনুষ্ঠান তত্ত্বাবধান, ব্যালট গণনা ও ফলাফল ঘোষণাঃ

পবিস বাই'ল আটিক্যাল ৮ এর ২ নং ধারা অনুযায়ী বাংলাদেশ পল্লী বিদ্যুতায়ন বোর্ড কর্তৃক গঠিত নির্বাচন কমিশন নির্বাচন অনুষ্ঠানের তত্ত্বাবধান, ব্যালট গণনা ও পরিচালনা এবং বার্ষিক সদস্য সভার দিনে গ্রাহক সদস্যদের উপস্থিতিতে নির্বাচনের ফলাফল ঘোষণা করিবেন। নির্বাচন সংক্রান্ত বিষয়ে বাংলাদেশ পল্লী বিদ্যুতায়ন বোর্ড কর্তৃক গঠিত নির্বাচন কমিশনের রায় চূড়ান্ত হিসাবে গণ্য হইবে। তবে নির্বাচন সম্পর্কে কোন আপত্তি থাকিলে নির্বাচন সম্পন্ন হইবার ০৩ (তিন) দিনের মধ্যে বগুড়া পল্লী বিদ্যুৎ সমিতি-১ এর সদর দপ্তর অফিসে উপস্থিত নির্বাচন কমিশনের সদস্যের নিকট প্রার্থী কর্তৃক নির্বাচন কমিশন বরাবরে লিখিত আপত্তি পেশ করিতে হইবে।

১৮। নির্বাচিত পরিচালক কতদিন উক্ত পদে বহাল থাকিবেনঃ


নির্বাচিত এলাকা পরিচালক, নির্বাচিত ঘোষিত হইবার দিন হইতে কোন কারণবশতঃ পদচ্যুত না হইলে বা স্বেচ্ছায় পদত্যাগ না করিলে অত্র জ্ঞাতব্য বিজ্ঞপ্তির ১নং অনুচ্ছেদের ৪নং কলামে (পরিচালকের মেয়াদকাল) বর্ণিত মেয়াদ পর্যন্ত উক্ত পদে বহাল থাকিবেন।

১৯। বার্ষিক সদস্য সভা অনুষ্ঠানের তারিখঃ

সমিতি বোর্ডের সিদ্ধান্ত মোতাবেক ২৯/০২/২০২৪ খ্রিস্টাব্দ তারিখ রোজ বৃহস্পতিবার সকাল ০৯:০০ ঘটিকায় সমিতির সদর দপ্তরে বার্ষিক সদস্য সভা অনুষ্ঠিত হইবে (অনিবার্য কারণে বার্ষিক সদস্য সভার তারিখ পরিবর্তনযোগ্য)।

২০। পিডিবি/ডেসা এর নিকট হইতে অধিগ্রহণকৃত গ্রাহকগণের ক্ষেত্রেঃ

যাহারা ইতিপূর্বে পিডিবি/ডেসা এর গ্রাহক ছিলেন কিন্তু বগুড়া পল্লী বিদ্যুৎ সমিতি-১ এর সদস্যপদ গ্রহণ করেন নাই এবং যাহাদের নিকট এখনও বকেয়া পাওনা আছে তাহারা আগামী ৩০/১১/২০২৩ খ্রিস্টাব্দ তারিখের মধ্যে পিডিবি/ডেসা/পবিস এর সকল বকেয়া পাওনা (যদি থাকে) পরিশোধ পূর্বক এমনকি অনুমোদিত কিস্তি থাকিলেও সকল অবশিষ্ট কিস্তি একসাথে পরিশোধ করিয়া সদস্যপদের জন্য নির্ধারিত ফি সহ সমিতির সদর দপ্তর বা সংশ্লিষ্ট জোনাল অফিস এ আবেদন করিলে এবং যথাসময়ে সদস্য সদনপত্র লাভ করিলে বিজ্ঞপ্তিতে বর্ণিত অন্যান্য শর্তাবলী পূরণ সাপেক্ষে এলাকা পরিচালক নির্বাচনে অংশগ্রহণ এবং ভোট প্রদান করিতে পারিবেন।


(তিলক চন্দ্র বর্মণ) -

রিটার্নিং অফিসার ও নির্বাচন কমিশন প্রধান

বগুড়া পল্লী বিদ্যুৎ সমিতি-১

এবং

উপ-পরিচালক (অর্থ), আর্থিক মনিটরিং (দক্ষিণাঞ্চল) পরিদপ্তর

বাংলাদেশ পল্লী বিদ্যুতায়ন বোর্ড, ঢাকা



পৃষ্ঠা ০৪ এর ০৪